

Liebe/r Leser/in, Begriffserklärungen finden sich unter folgendem Link:
<http://www.katzbach.com/images/stories/pdf/Briefprokoll-Erklärungen.pdf>

Kauf P[e]r: 185. f:

Hanns Hollmayr Wittiber von Katz-
bach, bekhent, vnd verkhaufft, mit
Consens des churf[ü]r[s]tl[ichen] Pflegambts
alhier, sein eine Zeitlang Erb=
rechtsweis ingehabtes Heisl daselbst
mit all dessen Rechtlichen ein: vnnd
Zugehörung[en], zu dorf, vnd Veldt, nichts

Seite 2

.147.

hieruon besondert: noch ausgenommen,
gleich er selbiges ingehabt, genutzt,
vnnd genossen hat, von welchem
bemelt churftl: Pflegamt iehrlich
zu Geörgi: oder Michaeli .1. f: Züns,
und ein Fas[t]nachthenne verraicht,
Item ain tag mehen, .1. Heugen,
.2. Schneiden, vnd .1. tag Hackhenschar=
werch geleist[et]: od[er] das Gelt dafür
bezalt werden mus, auch im ybrig[en]
aldahie mit der Manschaft, Rais, Steur,
Scharwerch zum Schloss, vf begebente
verenderung, mit dem Zehenten
pfening Handlang, vnd all ander[en]
pottmessigkheite[n] vnderworfen:
vnd beigethan ist. Dem Ehrbahren
Michael Lang von glesing, Waffen=
bruner herrschaft, vnd Margaretha
dessen Eheweib, vmb .170. f:, dan

Seite 3

absonderlich das im Stadl vorhandtene
Heÿ, Gruemath: vnnd Stro p[e]r: 15. f:
Zesammen aber in aine[r] Summa vmb:
vnnd p[e]r: 185. f: sambt .1. f: 30. x:
gleich par bezalten Leÿkhaufs, welche[n]
Kaufschilling der Käufer volgender=
gestalte[n] Zubezallen Versprochen,
Als erstliche[s] mus Er Zwischen dato:
vnd Negstkommente Weinnachten .100. f:
angabsfrist, vnnd neben deme
das Handlang: vnnd Briefgelt /:ie=
doch das Er an der ersten, vnnd
andern Nachfrist nur das Hand=
lang wider abzukhirzen hat :/ be=
zallen, dan will er anderes

Leichtmessen [Lichtmeß] anno .1702. 15. f:
nachfrist erlegen, auch mit
solchen iehrlich solang continuirn,
bis der völlige Kaufschilling

Seite 4

.148.

entricht: vnnd bezahlt sein würdt,
Geschehen den .30.tn O[kt]ber .1700.

Testes

Herr Lorenz Hufnagl, vnd herr
Carl Alex Heibl beede gericht's Pro=
curatores alhier.

© Transkription durch Josef Ederer, Katzbach 33

M:\Festplatte E

Datensicherung\Fotos\Fotohistorik1\Grundsteuernkataster\Briefsprotokolldaten\Briefprotokolle
\Briefprotokolle Waldmünchen 163\HollmayrKatzbBP WUEM163_0033b36.docx